

The



59856
kat.komp.

III

Mag. St. Dr.

P

Teol. 4358

Istryenius Sebastiani: Quaestio theologica de peccato ori-
ginali.

Biblioteka Jagiellońska



stdr0002982

In Nomine Domini Amen.

QVÆSTIO
THEOLOGICA
DE
PECCATO ORIGINALI,
Ex 1. parte 2dæ D. THOMÆ Do-
ctoris Angelici Quæst. 81. Art. 1. & sequen-
tibus.



59856.
"m"

A

M. SEBASTIANO
STRYEWICZ,
S. Theologiæ Professore, Ecclesiæ
Collegiatæ S. Floriani Custode,
Prouisore Contubernij Iagellonianii.

PVBLICE AD DISPVTA NDVM
Pro Loco inter Sacræ Theologicæ
Facultatis Doctores obtinendo

P R O P O S I T A.

Anno humanae salutis 1679.

Lectorio DD. Theologorum.

Die 12 Mensis Octobris Hora 8

PERMISSV SVPERIORVM.

CRACOVIÆ, Typis V NIVERSITATIS.

QUÆSTIO THEOLOGICA, DE PECCATO ORIGINALI.

VTrum Primum Protoplasti peccatum, per propagationem semi-nalem, in omnes eius posteros æquali-ter, & in essentiam animæ, cuiusq; hominis, descendantis ex Adam immediate, in certas verò potentias sensitu-ias, mediante voluntate deriuatum: dicat pro formali, priuationem iustitiae Originalis, per quam homo ad Deum, tanquam finem Supernaturalē erat conuersus, nec ne?

C O N C L V S I O .

Primū Protoplasti peccatum dariet trāsire originaliter in omnes posteros illius secundum fidem Catholicam firmiter te-nendum.

C O R O L L A R I A .

I. Licet primum peccatum in primo Parente nostro fuerit a-ctuale, in posteru rāmen est originale, quia verè et propriè est pec-
catum faciens homines peccatores.

II. Hoc rāmen peccatum non potest dici propriè nostrum ex parte causa, licet sit propriè nostrum ex parte subjecti.

III. Ut consideratur in genere mali, conuenit in una ratione uniuoca cum peccato actuali.

IV. Non minus origo, quam deducimus à Primo Parente, quam primum generationis nostræ initium, à quo nobis inest, denomi-nationis Originalis peccati est causa.

V. Nemo Philosophorum antiquorum destitutus principijs re-
uelationis, fidei, naturali potuit assequi ratione, naturam humanam
esse obnoxiam peccato originali.

CON-

C O N C L V S I O II.

Modus per quem primum Adæ peccatum, traducitur æ qualiter in posteris, est propagatio seminalis.

C O R O L L A R I A.

I. Non requiritur, ut per generationem fiat productio Originalis, peccati sed sufficit productio subjecti cum debito contrahendi Originale peccatum.

II. Licet anima nihil virtutis contrahat ex parte sui principij effectiui, scilicet Dei, à quo creatur, tamen ex parte corporis cui infunditur contrahit peccatum.

III. Non est tamen in corpore formalis (¶) propriè dicta ratio peccati, nec qualitas aliqua, inficiens animam, eiq; labem peccati imprimens: sed quod corpus sit pars naturæ, qua in Adam peccauit.

IV. Si Eva peccante Adam non peccasset, filij nō contraherent peccatum originale, immo verisimile si Caim peccasset primo Parente non peccante, filij eius non contraherent peccatum originale.

V. Si aliquis homo formaretur ex humana carne miraculose, sive illa caro eſet ministrata per virum, sive per mulierem non contraheret peccatum originale.

C O N C L V S I O III.

Peccatum Originale immediate in essentiam animæ, post in voluntatem, hæc vero mediante, in alias potentias derivatur. C O R O L L A R I A.

I. Nullo modo peccatum Originale potest esse in carne tanquam in subjecto.

II. Non est tamen absurdum dicere Peccatum Originale fuisse in semine, sicut in instrumento.

III. Prima inclinatio quam habet voluntas ad peccandum est causa, ut etiam voluntas prius infectetur alijs potentijs.

IV. Vis generativa, facultas concupisibilis, (¶) sensus, tactus, specialiter sunt infecta.

V. Non potest tamen dici, quod in istis potentijs sit formalis culpa, sed quia in illis magis experimur corruptionem pœnalem securam ex peccato.

C O N C L V S I O IV.

Priuatio iustitiae Originalis, per quam homo ad D E V M, tanquam finem supernaturalem erat conuersus, est ipsum formale in peccato originali.

C O R O L L A R I A.

I. Peccatum Originale non est aliqua substantia, seu substantialis natura, ut censuit Illijricus, neq; est peccatum luxurie videlicet Agrippa.

II. Neq; potest dici quod sit habitus realis & positiuus, vel qualitas realis positiua, sumpto habitu pro dispositione, qua inclinatur potentia ad agendum, potest tamen dici habitus sumpto habitu pro dispositione naturae composita ex multis, secundum quam bene vel male se habet ad actum, idq; materialiter.

III. Actualis transgressio Adæ, à quâ homines extrinsecâ denominatione dicuntur peccatores, non est peccatum Originale.

IV. Sed & concupiscentia ut dicit vitium naturæ, eam instar habitus afficiens, & inclinans, ad omne genus peccati, saltem est quid materiale in peccato Originali.

V. Et si priuatio iustitiae Originalis, non solum complectitur subiectionem virium inferiorum ad rationem, non solum subiectiōnem corporis ad animam, sed etiam rationis & mentis ad Deum, tamen quando peccatum Originale dicimus esse priuationem iustitiae Originalis, non intelligimus primum & secundum sed tertium.



Sub Felicissimis Auspicijs
Magnifici Perillustris & Admodum Rñdi Domini,
D. ALBERTI DABROWSKI,
S. Th. Doctoris ac Professoris, Decani
S. Floriani, Senioris Patris, & Generalis Stu-
dij Academij Cracoviensis
R E C T O R I S
Vigilantissimi.



i

9.

